



Na osnovu člana 200. Zakona o upravnom postupku („Službene novine Federacije BiH“, br. 2/98 i 48/99) i člana 17 stav 1. Zakona o igrama na sreću („Službene novine Federacije BiH“, br 48/15 i 60/15), a u vezi s članom 7. stav 2. Pravilnika o sadržaju pravila, uslovima i načinu priređivanja nagradnih igara („Službene novine Federacije BiH“, broj 30/16) i prema Rješenju o odobrenju broj: 05-14-2-574/16-A.P. od 24.06.2016.g. izdatog od strane Federalnog ministarstva finansija BiH/Federalnog ministarstva financija BiH, Bosna Bank International d.d. Sarajevo objavljuje

PRAVILA NAGRADNE IGRE

“Karticu provuci, auto izvuci”

1. ORGANIZATOR

Nagradnu igru MasterCard i BBI nagrađuju „Karticu provuci, auto izvuci“ organizira i provodi „Bosna Bank International“ d.d. Sarajevo, skraćeni naziv „BBI“ d.d. Sarajevo, ID broj: 4200375980006, PDV broj: 200375980006, Trg djece Sarajeva bb, Sarajevo, Bosna i Hercegovina (u daljem tekstu: „Organizator“).

2. TRAJANJE I SVRHA NAGRADNE IGRE

Nagradna igra iz tačke 1. ovih Pravila (u daljem tekstu: „Nagradna igra“) realizovati će se u periodu od 01.07.2016. godine do 31.12.2016. godine, uključujući i 31.12.2016. godine do 24:00 sata. Svrha nagradne igre je promocija korištenja Debit MasterCard kartica BBI banke, kao bezgotovinskog sredstva plaćanja i nagrađivanje povjerenja korisnika.

3. NAGRADNI FOND

Fond za organizaciju i nagrade obezbjeđuje Organizator.

4. UVJETI ZA SUDJELOVANJE U NAGRADNOJ IGRI

U Nagradnoj igri mogu učestvovati sve osobe imaoći Debit MasterCard i Gold Debit MasterCard kartica BBI banke i/ili osobe koje u periodu trajanja nagradne igre postanu korisnici Debit MasterCard i Gold Debit MasterCard kartice BBI banke (kartica izdata od strane Organizatora), sa prebivalištem na području Bosne i Hercegovine ili u inozemstvu, a koji mogu svoj identitet dokazati validnim dokumentom kao što je pasoš i/ili lična karta izdata u zemlji boravka. Identifikacioni dokument se Organizatoru dostavlja samo u slučaju dobijanja određene nagrade.

Osobe zaposlene kod Organizatora i njihovi najbliži članovi porodice (supružnici, djeca i roditelji) - nemaju pravo na učešće.

Korisnici Debit MasterCard i Gold Debit MasterCard kartica BBI banke koji su klasificirani po CRK izvještaju u “C” kategoriju i više, zbog dospjelih, a neizmirenih obaveza tokom nagradne igre i u toku izvlačenja nagrada nemaju pravo učešća u Nagradnoj igri.

Ukoliko bilo koju od ponuđenih nagrada dobije maloljetna ili osoba ograničenih sposobnosti, takva osoba nagradu može prihvatiti samo uz odobrenje roditelja ili zakonskog staratelja.

Ukoliko dobitnik bilo koje nagrade ne bude u mogućnosti da istu preuzme može ovlastiti najbližeg člana porodice da istu preuzme, ali uz uredno ovjerenu izjavu/punomoć kod notara.

Rok za preuzimanje nagrada je 15 dana od dana objave imena dobitnika nagrade na zvaničnoj stranici BBI banke www.bbi.ba i na www.prenesiplat.ba

5. NAČIN UČESTVOVANJA I TOK NAGRADNE IGRE

Pravo da učestvuju u Nagradnoj igri ostvaruju svi korisnici Debit MasterCard i Gold Debit MasterCard kartica izdatih od strane Organizatora, koji u toku mjeseca (od 01 do 30 ili 31) izvrše bezgotovinske transakcije na prodajnim mjestima, u BiH i/ili inozemstvu, u ukupnom minimalnom iznosu od 100 KM. Minimalni iznos pojedinačne transakcije iznosi 10 KM i što čini 1 bod.

Svaka bezgotovinska transakcija na prodajnom mjestu jednaka ili veća od 10 KM, odnosno zbir transakcija od 100,00 KM ili više, u jednom mjesecu, omogućava učešće u Nagradnoj igri. Veći broj transakcija stvara veću vjerovatnoću dobijanja mjesečnih nagrada kao i jednu od glavne tri nagrade.

Potrošnja ostvarena dodatnom Debit MasterCard karticom ili Gold Debit MasterCard karticom pribrja se potrošnji glavnog korisnika Debit MasterCard kartice ili Gold Debit MasterCard kartice te i na taj način glavni korisnik ima veću mogućnost dobijanja nagrade/nagrada.

Izvlačenje mjesečnih nagrada bit će svakog prvog četvrtka u tekućem mjesecu za prethodni mjesec. Dobitnik/ca neke od mjesečnih nagrada učestvuje i u izvlačenju jedne od tri glavne nagrade.

Izvlačenje glavne tri nagrade će biti 10.01.2017.godine

Učesnici Nagradne igre mogu dobiti samo jednu od glavne tri nagrade. Ako se tokom izvlačenja dogodi da bilo koji učesnik bude izvučen kao dobitnik jedne od tri glavne nagrade drugi put izvlačenje će se nastaviti sve dok svi dobitnici jedne od glavne tri nagrade ne budu različiti.

6. NAGRADE I OKVIRNA MALOPRODAJNA VRIJEDNOST:

Ukupna vrijednost nagrada za Nagradnu igru iznositi će KM 36.339,09 sa uračunatim PDV-om.

GLAVNE NAGRADE

Nagrada br.	Opis	Količina	Cijena
1	Automobil	1	19.490,00 KM
2	Putovanje u Istanbul za 1 Mart 2017.g. za dvije osobe	1	3.500,00 KM
3	Vikend za dvoje u BiH-Vlašić	1	1.065,00 KM
	UKUPNO		24.055,00 KM

MJESEČNE NAGRADE

Nagrada br.	Opis	Jedinična cijena	Količina	Ukupna cijena
1	TV	782,62 KM	6	4.695,70 KM
2	Laptop	686,73 KM	6	4.120,39 KM
3	Mobitel	578,00 KM	6	3.468,00 KM
	UKUPNO			12.284,09 KM

Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima. Nagrade nisu zamjenjive za novac. Dobitnici nemaju pravo zahtijevati drugačije nagrade ili nagrade u većim iznosima, od ovih pravila utvrđenih iznosa. Priredivač će nagrade dobitnicima predati uz primopredajni zapisnik.

7. IZVLAČENJE NAGRADA

Izvlačenje dobitnika/ca provest će se slučajnim odabirom putem računara iz liste Učesnika koji su stekli pravo sudjelovanja u Nagradnoj igri i to uz prisustvo tročlane (3 člana) komisije.

Tokom izvlačenja jedan od članova Komisije će voditi zapisnik koji će sadržavati imena i prezimena članova Komisije za izvlačenje nagrada, mjesto i vrijeme izvlačenja, ime i prezime te adresu dobitnika/ce nagrade kao i vrijednost iste. Zapisnik potpisuju svi članovi komisije.

8. IZVJEŠTAJ O DOBITNICIMA I ROK ZA PREUZIMANJE NAGRADA

Nagradna igra se zatvara 31.12.2016. godine u 24:00 sata.

Organizator je obavezan da proglasi pobjednike najkasnije do 10. 01. 2017.g. do 16:00 sati.

Realizacija poklona:

Dodjela osvojenih nagrada vršit će se u prostorijama Bosna Bank International d.d. Sarajevo Trg djece Sarajeva bb.

Dobitnici u ovoj Nagradnoj igri prihvataju uslov da njihovo ime i prezime kao i adresa mogu biti javno objavljeni i da njihov lik Organizator Nagradne igre može koristiti u audio, foto i video materijalima. Prihvatanje nagrade od strane dobitnika daje dozvolu Organizatoru i njegovim agencijama da mogu koristiti ime, prezime i sliku dobitnika nagrade u reklamne ili komercijalne svrhe bez dalje naknade. Učesnik se odriče prava da traži naknadu bilo kakvog troška dobivanja ili preuzimanja nagrade ili putovanja radi preuzimanja nagrade.

9. PROVJERA PRAVA NA UČEŠĆE

Nagrada će biti uručena samo ukoliko je dobitnik ostvario pravo da učestvuje u Nagradnoj igri i ukoliko u potpunosti prihvata Pravila nagradne igre BBI banke.

10. POREZI, ZAMJENE, PRENOSI I ODGOVORNOST U VEZI S NAGRADOM

Učesnici se slažu da Organizator i pridružena društva, njihova odjeljenja, reklamne, promotivne, distributerske i druge agencije, te njima pridružena društva i svi zaposleni u njima, neće biti odgovorni u vezi s prijemom nagrade, te funkcioniranjem ili upotrebom ovako dobijene nagrade. Učesnici prihvataju da gore navedeni subjekti nisu niti će na bilo koji način biti odgovorni za bilo kakve obaveze, garancije ili jamstva koji bi, bilo po zakonu ili po prirodi stvari, mogli nastati u vezi s bilo kojom nagradom, što uključuje ali se ne ograničava na kvalitet, mehanička svojstva ili prikladnost nagrade. Organizator je odgovoran za sve poreze, naknade ili dažbine u vezi s nagradom, osim poreza na dohodak dobitnika nagradnih igara u skladu sa važećim zakonskim propisima.

Nagrade se ne mogu prenijeti niti ustupiti drugima prije nego što se izvrši njihovo uručenje dobitniku.

11. OTKAZIVANJE

Organizator ima pravo da jednostrano otkaže Nagradnu igru u bilo kojoj fazi, uz obavještenje ukoliko bi došlo do materijalne povrede ili zloupotrebe Pravila ili događaja koji imaju karakter više sile. Ukoliko bi nastala neka od navedenih okolnosti, Nagradna igra će biti odmah obustavljena jednostranom odlukom Organizatora, neovisno o potrebi za njenim eventualnim objavljivanjem. U tom slučaju neće biti nadoknađeni troškovi, direktna ili indirektna šteta učesnicima u Nagradnoj igri, niti će se Nagradna igra održati.

12. OBAVJEŠTAVANJE

Pravila Nagradne igre bit će objavljena nakon odobrenja Federalnog ministarstva finansija BiH /Federalnog ministarstva financija BiH za sprovođenje Nagradne igre na web stranici i Facebook stranici Banke kao i u print mediju.

Dobitnici/ce nagrada bit će obaviješteni pismenim putem na ličnu e-mail adresu ili telefonski od strane uposlenika Banke, a na osnovu pismenog dokumenta članova Komisije o imenima dobitnika nagrade/nagrada.

13. ZVANIČNA PRAVILA NAGRADNE IGRE

Dodatne informacije u vezi sa ovim Pravilima mogu se dobiti pozivom na telefon broj 0800 200 20 od ponedjeljka do petka od 8:00 do 16:30 sati. U slučaju bilo kakvog spora nadležan je Općinski sud u Sarajevu.